

PLAN I PROGRAM RADA J.P. VETERINARSKA STANICA

MAGLAJ ZA 2017. GODINU

J.P.Veterinarska stanica Maglaj će i u 2017. godini nastaviti sa uobičajenim i svakodnevnim poslovima po pitanju zdravstvene zaštite domaćih životinja i razvoja i unapređenja stočarske proizvodnje na općini Maglaj.

Mnogi naši poslovi su vezani uz programe i odluke Ureda za veterinarstvo BiH, Ministarstva PViŠ Federacije BiH i Kantonalnog ministarstva za PViŠ. Obično se te mjere donose tek sredinom godine, tako da nam je u ovom periodu nemoguće predvidjeti na osnovu kojih uputa ćemo pristupati poslovima zdravstvene zaštite životinja i u kojem obimu. Upravo smo 8.3.2017. godine imali savjetovanje u Zenici u organizaciji Federalnog ministarstva PViŠ i opet smo ostali uskraćeni za informacije o konkretnim mjerama, počecima i rokovima za njihovo izvršenje.

U takvoj situaciji plan i program naših aktivnosti iz oblasti preventivnih radnji bit će zasnovan na osnovu istih mjera iz prethodnih godina i u obimu za koje pretpostavljamo da se mogu realizirati:

-monitoring na brucelozu, leukozu i tuberkulozu goveda: 600 grla, finansijer je Ministarstvo za PViŠ Federacije BiH i Ured za veterinarstvo BiH;

-dijagnostičko ispitivanje na zahtjev vlasnika na brucelozu, tuberkulozu, leukozu i zaraznu upalu vimena za muzna grla za potrebe izdavanja mliječnih karti, odnosno prilogaV: 150 grla, finansijer je dijelom vlasnik a dijelom Ministarsvo za PViŠ ZE-DO kantona ;

-cijepljenje goveda na bolest kvrgave kože : 1000 grla goveda, finansijer još nije određen

-cijepljenje ovaca protiv bruceloze: 400 grla, finansijer je Ured za veterinarstvo BiH;

- cijepljenje ovaca protiv plavog jezika- 1000 grla- finansijer još nije određen,

-cijepljenje pasa protiv bjesnoće: 600 životinja, finansijer je vlasnik;

U svakodnevnim aktivnostima planirano je realizirati:

- 350 liječenja domaćih životinja i ostalih usluga;
- 600 umjetnih osjemenjivanja plotkinja u govedarskoj proizvodnji;

Ove godine računamo na izvjesnu pomoć i Općine kako u otklanjanju pojedinih nedostataka o kojem smo govorili u izvještaju o radu, tako i sufansiraju pojedinih aktivnosti u svakodnevnom radu, kao što su registracija vozila, energenti i neke druge egzistencijalne stvari neophodne za naše funkcionisanje.

Direktor
mr. sci. Ahmed Mehinović



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
Služba za privredu, finansije/finansije
i razvoj poduzetništva

Broj:04-49-585/17

Datum:24.03.2017.godina

MIŠLJENJE

o Izvještaju o poslovanju za 2016. godinu i Planu i programu rada za 2017. godinu JP „Veterinarska stanica „ Maglaj

Izvještaj za 2016. godinu JP „Veterinarska stanica“ Maglaj, bitno se razlikuje od Izvještaja iz prethodnih godina. Sam način izvještavanja je postavljen u okvire formulara koji jasno i precizno traži od izvjestitelja konkretne odgovore o aktivnostima iz izvještajnog razdoblja 01.01.2016. do 31.12.2016. godine.

Iz ovog Izvještaja se ne može zaključiti da je rad JP „Veterinarska stanica“ u protekloj godini prošla sa financijskim poteškoćama i problemima te je ostvaren pozitivan financijski rezultat poslovanja sa ostvarenom dobiti od 2.015,00 KM, kao što je i prikazano u Izvještaju.

U izvještaju se navodi da ovo javno poduzeće ima tri uposlena sa visokom stručnom spremom.

Kada je u pitanju materijalno tehnička opremljenost svjesni smo da je usljed ionako teške situacije s kojima se u proteklim godinama borila JP „Veterinarska stanica“ Maglaj, gdje nisu zadovoljavali određenu zakonsku regulativu, desile su se i poplave koje su pogodile ovu ustanovu dodatno su pogoršale situaciju. Usljed poplave su ostali bez dva vozila sa kompletnom veterinarskom opremom i lijekovima u vrijednosti od 35.000,00 KM. Kroz Program sanacije JP „Veterinarska stanica“ Maglaj od posljedica poplava predviđena sredstva za sanaciju šteta su iznosila 80.000,00 KM.

Veleposlanstvo Italije u BiH je zahvaljujući inicijativi Općine Maglaj, odobrilo pomoć za JP Veterinarsku stanicu“ Maglaj, u ukupnoj vrijednosti od 50.000,00 € (cca 100.000,00 KM), kao sredstva za pomoć u stočarstvu na općini Maglaj, kroz zdravstvenu njegu životinja koja se vrši od strane JP „Veterinarska stanica“ Maglaj.

Kroz ovaj program pomoći su nabavljena dva nova automobila Škoda Fabia, u vrijednosti od 21.000,00 € za potrebe terenskog rada. Za rekonstrukciju zgrade (vanjski i unutarnji radovi) dodijeljena su sredstva u iznosu od 18.000,00 €, dok su preostala sredstva u iznosu od 11.000,00 € dodijeljena za nabavku veterinarske opreme i lijekova. Nakon završetka ovog projekta uvjereni smo da će zgrada JP „Veterinarska stanica“ Maglaj zadovoljiti uvjete kada je u pitanju materijalno tehnička opremljenost, te da će ista dobiti dozvolu za daljnji rad.

U izvještajnom periodu su vršene usluge u vidu liječenja domaćih životinja, veterinarsko-sanitarnih i sličnih usluga, rađena su vještačka osjemenjavanja rasplodnih junica, preventivna cijepljenja protiv Antraxa (Crnog prišta), dijagnostičkog ispitivanja na brucelozi, tuberkulozu i zaraznu upalu vimena. Rađeno je ispitivanje protiv bjesnoće i različitih virusnih oboljenja, dijagnostička ispitivanja za potrebe izdavanja mliječnih kartona i dr.

Mišljenja smo da bi trebalo razmisliti o osposobljavanju zgrade Veterinarske stanice u Novom Šeheru, ako bi to bilo finansijski održivo i stabilno, jer je u međuvremenu na tom području otvorena konkurentna privatna veterinarska stanica. Predlažemo da se zbog lakšeg poslovanja u narednom periodu ide u potpunu privatizaciju JP „Veterinarska stanica“ ili restrukturiranje poduzeća po modalitetu javno-privatnog partnerstva.

U narednom periodu u poljoprivredi kao strateškoj grani općine Maglaj, poseban akcent bi trebao biti na razvoju stočarstva. Shodno tome i JP „Veterinarska stanica“ Maglaj kao glavni servis pružanja usluga zdravstvene zaštite životinja bi trebala doprinijeti tome cilju. Za kvalitetnu proizvodnju mesa i mlijeka potrebno je provođenje sistemske kontrole zdravstvene ispravnosti, a što se ostvaruje pravovremenim dijagnosticiranjem na zarazne bolesti, preventivnim cijepljenjem životinja (peradi, goveda, svinje, ovce, koze i sl.), uz nadzor stručnih lica koja su uposlena u Veterinarskoj stanici.

Općina Maglaj je kroz Program poticaja u poljoprivredi u prethodnim godinama, izdvajala sredstva poticaja proizvođačima sirovog kravljeg mlijeka od po 0,10 KM po litri proizvedenog kravljeg mlijeka. Na taj način je direktno i indirektno doprinijela očuvanju stočnog fonda, daljnjem razvoju i proširenju stočarske proizvodnje, te razvoju ruralnih područja.

Napominjemo da je Općina Maglaj u budžetu/proračunu za 2017. godinu planirala sredstva u svrhu sufinanciranja rada JP „Veterinarska stanica“ Maglaj u iznosu od 5.000,00 KM.

Služba za privredu, financije/finansije i razvoj poduzetništva daje podršku u predloženom planu i programu rada JP „Veterinarska stanica“ Maglaj za 2017. godinu, te se nadamo da će uz podršku Općine Maglaj i resornih Ministarstava plan preventivne zaštite, dijagnostičkih ispitivanja životinja te ostalih veterinarsko-zdravstvenih usluga biti uspješno i realiziran.

Obradivač: Dragomir Dunđer, dipl. ing. agronomije

Kontrolor: Senada Alibajraktarević, dipl.ecc.



Služba za privredu, finansije/finansije
i razvoj poduzetništva